

Fundargerð 822. fundar

stjórnar Sambands íslenskra sveitarfélaga

Árið 2014, föstudaginn 21. nóvember kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Halldór Halldórsson, Eiríkur Björn Björgvinsson, Skúli Þór Helgason, Gunnar Axel Axelsson, Jónína Erna Arnardóttir, Halla Sigríður Steinólfsdóttir, Gunnar Einarsson, Sigurður Björn Blöndal, Aldís Hafsteinsdóttir, Gunnhildur Ingvarsdóttir og Ísólfur Gylfi Pálmason

Að auki sátu fundinn Karl Björnsson framkvæmdastjóri, Anna G. Björnsdóttir sviðsstjóri, Guðjón Bragason sviðsstjóri, Gunnlaugur A. Júlíusson sviðsstjóri, Inga Rún Ólafsdóttir sviðsstjóri og Magnús Karel Hannesson sem ritaði fundargerð.

Fundargerðin var færð í tölvu.

Áður en gengið var til dagskrár var formanni sambandsins afhent ályktun mótmælafundar félagsmanna Félags tónlistarskólakennara við húsakynni Sambands íslenskra sveitarfélaga 21. nóvember 2014. Félagsmenn FT sungu jafnframt eitt erindi úr sálmi Hallgríms Péturssonar *Allt eins og blómstrið eina* af þessu tilefni.

Þetta var tekið fyrir:

1. Fundargerð 821. fundar - 1401005SA

Lögð fram til staðfestingar fundargerð 821. fundar frá 31. október 2014.

Fundargerðin staðfest og undirrituð.

Jónína Erna Arnardóttir vék af fundi kl. 12:15 vegna vanhæfis við umfjöllun um næsta dagskrárlið.

2. Kjaramálanefnd sambandsins - 1010019SA

Lögð fram fundargerð 14. fundar kjaramálanefndar sambandsins frá 14. nóvember 2014.

Sviðsstjóri kjarasviðs sambandsins greindi frá stöðu kjaraviðræðna við Félag tónlistarskólakennara. Fram kom að í áherslum samninganefndar sambandsins í kjaraviðræðunum hafi Reykjavíkurborg enga sérstöðu og algjör samstaða sé í samninganefndinni í allri hennar vinnu.

Að loknum ítarlegum umræðum var eftirfarandi bókun samþykkt samhljóða:

Samninganefnd Félags tónlistarskólakennara hefur hafnað öllum tilboðum samninganefndar Sambands íslenskra sveitarfélaga um sömu laun og launamyndunarkerfi og samið var um við leik- og grunnskólakennara á þessu ári. Tónlistarskólakennarar krefjast hærri launa en leik- og grunnskólakennarar, eða launahækkana sem nema um 21%, sem er óásættanlegt m.a. vegna þeirra áhrifa sem það myndi hafa á þær kjaraviðræður sem eru í undirbúningi á vinnumarkaði.

Tilboð sveitarfélaganna felur ekki í sér neinar tillögur um breytingar á magni árlegrar vinnuskyldu tónlistarkennara né um að lengja árlegan starfstíma tónlistarskóla.

Tónlistarkennurum hefur verið boðið að bæta við sig liðlega klukkustundar kennslu á viku gegn því að dregið sé úr öðrum störfum á móti. Sú hækkun kennsluskyldu gefur tónlistarkennurum tækifæri til mjög verulegra launahækkana til viðbótar við þá 7,6% launahækkun, sem samið var um við tónlistarkennara innan Félags íslenskra hljómlistarmanna (FÍH). Þessu tilboði, eins og öðrum, hefur Félag tónlistarskólakennara hafnað.

Sveitarfélögin hafa á þessu ári lokið gerð 68 kjarasamninga við 93 viðsejendur og er Félag tónlistarskólakennara eina stéttarfélagið sem enn er ósamið við. Viðræður aðila fara fram undir verkstjórn ríkissáttasemjara.

Samninganefnd Sambands íslenskra sveitarfélaga telur samninganefnd Félags tónlistarskólakennara ekki sýna sanngirni í viðræðunum og þykir miður villandi málflutningur félagsins í fjölmiðlum. Niðurstaða í samningaviðræðum næst ekki án markvissra viðræðna þar sem sanngirni af beggja hálfu er höfð að leiðarljósi.

Samninganefnd Sambands íslenskra sveitarfélaga hefur lýst sig reiðubúna til frekari viðræðna á þeim grundvelli sem þegar hefur verið lagður. Stjórn sambandsins lýsir yfir fullum stuðningi við samninganefnd sambandsins.

Jónína Erna Arnardóttir kom að nýju inn á fundinn kl. 13:25.

3. Vinnumat grunnskólakennara - 1406012SA

Sviðsstjóri kjarasviðs og sviðsstjóri lögfræði- og velferðarsviðs sambandsins gerðu grein fyrir verkefninu um vinnumat kennara og sögðu frá fundum sem haldnir hafa verið um allt land til að kynna það verkefni fyrir sveitarstjórnarmönnum, skólastjórnendum og kennurum.

4. Stefnumörkun sambandsins 2014 til 2018 - 1410126SA

Lögð fram drög að stefnumörkun sambandsins 2014-2018 til umræðu og afgreiðslu, sbr. 2. tölulið fundargerðar 821. fundar stjórnar sambandsins frá 31. október 2014.

Stjórn sambandsins samþykkti stefnumörkun Sambands íslenskra sveitarfélaga 2014-2018 að teknu tilliti til þeirra breytinga sem ræddar voru á fundinum og á 821. fundi stjórnar 31. október 2014, sbr. og samþykkt XXVIII. landsþings sambandsins þar sem drögum að stefnumörkun var vísað til úrvinnslu og afgreiðslu hjá stjórn sambandsins.

5. Verkefnisstjórn um aukna hagsmunagæslu í úrgangsmálum - 0801025SA

Lögð fram fundargerð 33. fundar verkefnisstjórnar um aukna hagsmunagæslu í úrgangsmálum frá 11. nóvember 2014, ásamt minnisblaði Guðmundar B. Friðrikssonar, skrifstofustjóra skrifstofu umhverfisgæða Reykjavíkurborgar til borgarráðs, dags. 11. nóvember 2014, og álit Samkeppniseftirlitsins í máli nr. 1/2014, „Samkeppnishömlur við meðhöndlun úrgangs. Framkvæmd Reykjavíkurborgar og annarra sveitarfélaga á höfuðborgarsvæðinu og á Suðurlandi við innleiðingu á endurvinnslutunnum fyrir pappír og pappa“, sjá álitsorð á bls. 36-37 í álit 1/2014.

6. Kjarasamningar 2014 - 1311072SA

Lagðir fram til staðfestingar samningar milli samninganefndar Sambands íslenskra sveitarfélaga, og Starfsmannafélags Kópavogs, dags. 10. nóvember 2014, og Landssambands slökkviliðs- og sjúkraflutningamanna, dags. 30. október 2014, um breytingar og framlengingu á kjarasamningi aðila.

Stjórnin samþykkir framangreinda kjarasamninga.

7. Skipun félagsþjónustunefndar sambandsins - 0911050SA

Lögð fram að nýju tillaga að skipan félagsþjónustunefndar sambandsins 2014-2018, dags. 6. október 2014, sbr. 7. tölulið fundargerðar 821. fundar stjórnar frá 31. október 2014.

Í félagsþjónustunefnd voru skipuð Guðrún Sigurðardóttir, framkvæmdastjóri fjölskyldudeilda Akureyrarkaupstaðar, Gunnar Þorgeirsson, oddviti Grímsnes- og Grafningshrepps, Kristín Pýrí Þorsteinsdóttir, formaður félagsþjónustu Sandgerðisbæjar, Garðs og Voga, Rannveig Einarsdóttir, sviðsstjóri fjölskylduþjónustu Hafnarfjarðarkaupstaðar, og Stefán Eiríksson, sviðsstjóri velferðarsviðs Reykjavíkurborgar.

8. Tillögur um fulltrúa í alþjóðlegt samstarf - 1410120SA

Lagðar fram tillögur, dags. 18. nóvember 2014, um fulltrúa í alþjóðlegt samstarf sambandsins kjörtímabilið 2014-2018.

Í stefnumótandi nefnd CEMR (Evrópusamtök sveitarfélaga og héraða) til ársins 2016 var kjörin Björk Vilhelmsdóttir í stað Jórunnar Einarsdóttur, sem hefur beðist lausnar frá setu í nefndinni. Aldís Hafsteinsdóttir og Eiríkur Björn Björgvinsson sitja áfram í nefndinni, en þau voru kjörin í október 2013. Til vara voru kjörin Gunnar Einarsson, Gunnhildur Ingvarsdóttir og Jónína Erna Arnardóttir.

Til setu á sveitarstjórnarþingi Evrópuráðsins til ársins 2016 var Gunnar Axel Axelsson kjörinn í stað Guðríðar Arnardóttur, sem situr ekki lengur í sveitarstjórn. Halla Sigríður Steinólfsdóttir og S. Björn Blöndal voru kjörin varamenn til sama tíma í stað Jórunnar Einarsdóttur og Óttars Ólafs Proppé. Halldór Halldórsson og Elín R. Línadal, sem kjörin voru í júní 2012, sitja áfram í ráðinu til 2016.

Fulltrúi á fundum Alþjóðasamtaka sveitarfélaga og borga 2014-2018 var kjörinn Halldór Halldórsson.

9. Viðtalsaðstaða fyrir ráðgjafa Vinnumálastofnunar - 1411032SA

Lagt fram bréf Vinnumálastofnunar, dags. 13. nóvember 2014, þar sem óskað er eftir stuðningi stjórnar sambandsins við að beina því til sveitarfélaganna að þau láti Vinnumálastofnun í té aðstöðu fyrir ráðgjafa sína til þess að taka viðtöl við atvinnuleitendur.

Stjórnin tók jákvætt í erindið enda fellur það að stefnumörkun sambandsins fyrir árin 2014-2018 um aukið samstarf og samvinnu sveitarfélaga og Vinnumálastofnunar.

10. Tilnefning í Uppbyggingarsjóð EES - 1410110SA

Lagt fram til kynningar bréf sambandsins til utanríkisráðuneytisins, dags. 31. október 2014, þar sem Anna Guðrún Björnsdóttir, sviðsstjóri þróunar- og

alþjóðasviðs sambandsins, er tilnefnd sem tengiliður við starfshóp vegna undirbúnings næsta starfstímabils Uppbyggingarsjóðs EES 2015-2019.

11. Tilnefning í mengunarvarnaráð hafna - 1410117SA

Lagt fram til kynningar bréf sambandsins til umhverfis- og auðlinda-ráðuneytisins, dags. 5. nóvember 2014, þar sem Rósa Magnúsdóttir, deildarstjóri Umhverfiseftirlits Heilbrigðiseftirlits Reykjavíkur, og Ríkarð F. Friðriksson, heilbrigðisfulltrúi Heilbrigðiseftirlits Suðurnesja, eru tilnefnd í mengunarvarnaráð hafna.

12. Tilnefning í starfsgreinaráð heilbrigðis-, félags- og uppeldisgreina - 1411020SA

Lagt fram til kynningar bréf sambandsins til mennta- og menningarmála-ráðuneytisins, dags. 14. nóvember 2014, þar sem Berglind Eva Ólafsdóttir, sérfræðingur á kjarasviði sambandsins, er endurtilnefnd í starfsgreinaráð heilbrigðis-, félags- og uppeldisgreina 2015-2018, og Bjarni Ómar Haraldsson, sérfræðingur á kjarasviði sambandsins, til vara.

13. Umsögn um frumvarp til laga um úrskurðarnefnd velferðarmála - 1411007SA

Lögð fram til kynningar umsögn sambandsins til velferðarnefndar Alþingis, dags. 7. nóvember 2014, um frumvarp til laga um úrskurðarnefnd velferðarmála, 207. mál.

14. Umsögn um frumvarp til laga um ívilnanir til nýfjárfestinga á Íslandi - 1410098SA

Lögð fram til kynningar umsögn sambandsins til atvinnuveganefndar Alþingis, dags. 31. október 2014, um frumvarp til laga um ívilnanir til nýfjárfestinga á Íslandi, 11. mál.

15. Umsögn um drög að frumvarpi til laga um Menntamálastofnun - 1410102SA

Lögð fram til kynningar umsögn sambandsins til mennta- og menningarmálaráðuneytisins, dags. 3. nóvember 2014, um drög að frumvarpi til laga um Menntamálastofnun.

16. Umsögn um tillögu til þingsályktunar um aðgerðaráætlun til að efla fjarheilbrigðisþjónustu - 1411024SA

Lögð fram til kynningar umsögn sambandsins til nefndasviðs Alþingis, dags. 14. nóvember 2014, um tillögu til þingsályktunar um aðgerðaráætlun til að efla fjarheilbrigðisþjónustu, 27. mál.

17. Umsögn um frumvarp til laga um breytingu á vegalögum - 1401064SA

Lögð fram til kynningar umsögn sambandsins til umhverfis- og samgöngunefndar Alþingis, dags. 12. nóvember 2014, um frumvarp til laga um breytingu á vegalögum, 157. mál.

18. Umsögn um frumvarp til laga um sérhæfða þjónustumiðstöð á sviði heilbrigðis- og félagsþjónustu - 1411012SA

Lögð fram til kynningar umsögn sambandsins til velferðarnefndar Alþingis, dags. 17. nóvember 2014, um sérhæfða þjónustumiðstöð á sviði heilbrigðis- og félagsþjónustu, 257. mál, ásamt fylgiskjöllum.

19. Umsögn um frumvarp til laga um framhaldsskóla - 1411031SA

Lögð fram til kynningar umsögn sambandsins til allsherjar- og menntamála-nefndar Alþingis, dags. 17. nóvember 2014, um frumvarp um breytingu á lögum um framhaldsskóla, 214. mál.

20. Umsögn um þingsályktunartillögu um breytingu á rammaáætlun - 1411016SA

Lögð fram til kynningar umsögn sambandsins til atvinnuveganefndar Alþingis, dags. 13. nóvember 2014, um tillögu til þingsályktunar um breytingu á rammaáætlun, 244. mál.

21. Umsögn um skattskyldu fjármagnstekna - 1409022SA

Lögð fram til kynningar umsögn sambandsins til innanríkisráðuneytisins, dags. 29. október 2014, um erindi KPMG f.h. Innheimtustofnunar sveitarfélaga vegna skattskyldu fjármagnstekna.

22. Samskipti við umhverfis- og auðlindaráðuneytið - 1306009SA

Lögð fram til kynningar samantekt lögfræði- og velferðarsviðs sambandsins, dags. 30. október 2014, frá fundi með umhverfis- og auðlindaráðuneytinu um brýn málefni.

23. Þjóðhagsspá Hagstofu Íslands - 1111019SA

Lagt fram til kynningar minnisblað hag- og upplýsingasviðs sambandsins, dags. 17. nóvember 2014, um þjóðhagsspá og álagningu skatta.

24. Rekstrarafkoma og fjárhagsstaða hjúkrunarheimila 2013 - 1411030SA

Lögð fram til kynningar skýrsla Ríkisendurskoðunar um rekstrarafkomu og fjárhagsstöðu hjúkrunarheimila á árinu 2013, dags. í nóvember 2014.

25. Uppbygging hjúkrunarheimila - leiguleið - 1311077SA

Lögð fram til kynningar skýrsla velferðarráðuneytisins um Skipulag hjúkrunarheimila - Lágamarksviðmið um byggingu og starfsemi hjúkrunarheimila og hjúkrunarrýma, dags. í júní 2014.

26. Ályktanir ársþings Samtaka sunnlenskra sveitarfélaga - 1406041SA

Lagðar fram til kynningar ályktanir sem samþykktar voru á ársþingi Samtaka sunnlenskra sveitarfélaga dagana 21. og 22. október 2014.

27. Ályktanir aðalfundar Sambands sveitarfélaga á Austurlandi - 1406041SA

Lagðar fram til kynningar ályktanir aðalfundar Sambands sveitarfélaga á Austurlandi sem haldinn var 19. og 20. september 2014.

28. Bókanir bæjarráðs Sandgerðisbæjar - 1401005SA

Lagðar fram til kynningar bókanir bæjarráðs Sandgerðisbæjar, dags. 29. október 2014, um samtarf við Menntavísindasvið Háskóla Íslands og um umsögn um drög að reglugerð um starfsemi slökkviliða.

29. Jafnlaunastaðall ÍST 85:2012 - samstarfsyfirlýsing - 1411029SA

Lögð fram til kynningar samstarfsyfirlýsing, dags. 13. nóvember 2014, milli velferðarráðuneytisins, fjármála- og efnahagsráðuneytisins, Alþýðusambands

Íslands, Bandalags háskólamanna, Bandalags starfsmanna ríkis og bæja, Kennarasambands Íslands, Samtaka atvinnulífsins og Sambands íslenskra sveitarfélaga um fræðslu og ráðgjöf við innleiðingu á jafnlaunastaðli: ÍST 85:2012.

Fundi var slitið kl. 14:35.

Næsti fundur er ráðgerður föstudaginn 12. desember nk.

Halldór Halldórsson

Eiríkur Björn Björgvinsson

Skúli Þór Helgason

Gunnar Axel Axelsson

Jónína Erna Arnardóttir

Halla Sigríður Steinólfsdóttir

Gunnar Einarsson

Sigurður Björn Blöndal

Aldís Hafsteinsdóttir

Gunnhildur Ingvarsdóttir

Ísólfur Gylfi Pálmason

framkvæmdastjóri

ritari